

Ժողովուրդ

38
(3247)

1 ապրիլի չորեքշաբթի 2026
տպագրության ԺԵ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ՓԱՇԻՆՅԱՆԻՆ ՎԱՐՉԱՊԵՏԻ ՊԱՇՏՈՆՈՒՄ ՉԵՆ ՏԵՄՆՈՒՄ



... 2026 թվականի հերթական ընտրություններին ընդառաջ «Քաղաքացիական պայմանագիր» կուսակցության ընտրական ցուցակի հաստատման երկրորդ փուլի քվեարկությունը անցել է հետաքրքիր թվաբանական նրբություններով:

Շաբաթ-կիրակի կայացած քվեարկությանը 1080 պատվիրակներից, «Ժողովուրդ» օրաթերթի տեղեկություններով, մասնակցել է 988 պատվիրակ: Արդյունքում Նիկոլ Փաշինյանն ստացել է 933 ձայն՝ ամենաբարձր արդյունքը:

Թվերը, սակայն, ունեն նաեւ իրենց «միջտողային» պատմությունը. 988 մասնակցած պատվիրակներից 55-ը փաստացի չեն «տեսել» Փաշինյանին վարչապետի թեկնածուի կարգավիճակում կամ պարզապես չեն կարողացել ճիշտ կողմնորոշվել ԶԳ-ական դեմքերով կազմված քվեաթերթիկում:

«Ժողովուրդ» օրաթերթը տեղեկացավ, որ մոտ երեք տասնյակ ԶԳ-ականներ վարչապետի թեկնածուի անվան փոխարեն քվեաթերթիկներում գրել են այլ անուններ՝ օրինակ Սուրեն Պապիկյան, Արարատ Միրզոյան, Տիգրան Ավինյան եւ այլք:

Այսպիսով, եթե հաշվենք սառը թվաբանությամբ՝ Փաշինյանը ստացել է 933 ձայն 988 մասնակցից, ինչը մոտ 94.4% է: Իսկ մնացած 5.6%-ը կամ ստեղծագործաբար է մոտեցել քվեարկությանը, կամ փորձել է հիշեցնել, որ Նույնիսկ ներքին ընտրություններում մրցակցությունը երբեմն հայտնվում է այնտեղ, որտեղ պաշտոնապես այն նախատեսված չէ:

Փաստորեն, ԶԳ ներսում վարչապետի թեկնածուի հարցը, ըստ թվերի, մեծ մասամբ լուծված է, բայց քվեաթերթիկների «ազատ ստեղծագործողների» շնորհիվ թեման ստացավ այլ ենթաշերտ. որքանով է միակ թեկնածուի գաղափարը համադրելի բազմակարծության հետ թեկուզ կուսակցության ներսում:

Նիկոլ Փաշինյանի գլխավորած կառավարությունը, ըստ շրջանառվող տեղեկությունների, քաղաքական համաձայնություն է տվել, որպեսզի Ռուսաստանի Դաշնությունում վերջին տարիներին գտնվող եւ հեռավար քաղաքական ակտիվություն ցուցաբերող մի շարք գործիչներ հնարավորություն ստանան վերադառնալ Հայաստան եւ մասնակցել հունիսի 7-ին կայանալիք ընտրություններին՝ ինքնադրստորվելով ներքաղաքական դաշտում: Խոսքը, մասնավորապես, վերաբերում է հետախուզման մեջ գտնվող Արթուր Ասատրյանին (Դոն Պիպո), Միհրան Պողոսյանին (հանրային դաշտում առավել հայտնի որպես «Բեթրինի Միհրան»), ինչպես նաեւ Նիկոլ Փաշինյանի կողմից նախկինում պաշտոնազրկված պաշտպանության նախարար Արշակ Կարապետյանին եւ այլ գործիչների: Ըստ տեղեկությունների՝ Նշված անձինք հնարավորություն կունենան վերադառնալ Հայաստան եւ քաղաքական մրցակցային դաշտում մասնակցել հունիսի 7-ին նախատեսված ընտրություններին՝ մրցելով «Քաղաքացիական պայմանագիր» կուսակցության հետ: Ակնկալվում է, որ առաջիկայում նրանք կփորձեն շոնդալից մուտք գործել քաղաքական դաշտ՝ ակտիվ քարոզչական եւ հանրային գործունեությամբ: (4)



Շարունակությունը՝ ArmLur.am կայքում

ԶԳ-ական աղբյուրները «Ժողովուրդ» օրաթերթին փոխանցեցին, որ Նիկոլ Փաշինյանը «Քաղաքացիական պայմանագիր» կուսակցության վարչության վերջին նիստում հայտարարել է, որ ապրիլի 1-ից փոխում են քաղաքական գործելաոճը եւ այսուհետ խստագույնս պետք է պահպանեն ԶԳ էթիկայի եւ վարքականոսի սկզբունքները: Վարչապետը նաեւ հանձնարարել է թիմակիցներին որեւէ պարագայում չքիթախավորել քաղաքական ընդդիմախոսներին, լրագրողներին եւ քննադատներին, խուսափել վիրավորական եւ անհարգալից ձեւակերպումներից եւ քարոզարշավին ընդառաջ՝ հանդես գալ առավել զուսպ ու քաղաքակիրթ վարքով: Քարոզարշավը նախատեսվում է մեկնարկել մայիսի 7-ից: ԶԳ ներսում նման մոտեցման ձեւավորումը, ըստ քաղաքական շրջանակների, պայմանավորված է վերջին շրջանում արձանագրված հասարակական վերաբերմունքով եւ մի շարք աղմկահարույց միջադեպերով: Մասնավորապես, հանրային քննարկումների առարկա էր դարձել դեպքը, երբ եկեղեցում երիտասարդների մի խումբ անհանդուրժողական վերաբերմունք էր ցուցաբերել վարչապետի նկատմամբ, ինչպես նաեւ միջադեպը, երբ մի երիտասարդ թքել էր վարչապետի կորտեժի ուղղությամբ, ինչից հետո ձեռքակալվել էր: Կուսակցության ներսում համոզմունք է ձեւավորվել, որ ընտրական փուլ մտնելու նախաշեմին անհրաժեշտ է նվազեցնել բեւեռացվածության մակարդակը եւ քաղաքական գործընթացները տեղափոխել առավել կոռեկտ ու ինստիտուցիոնալ դաշտ: (4)



Մարտի 27-28-ին տեղի ունեցան իշխող ԶԳ կուսակցության ներքին վարկանիշային ընտրությունները, որի ժամանակ ձեւավորվեց լավագույն 30-յակը: «Ժողովուրդ» օրաթերթը ներկայացնում է, թե ինչ տեսք է ունենալու հունիսի 7-ին կայանալիք ԶԳ նախընտրական ցուցակի առաջին 50-յակը՝ ըստ ռեյտինգային քվեարկության եւ Ընտրական օրենսգրքի գեղեցիկ պահանջների: Ամեն երրորդը պետք է կին լինի ընտրացուցակում: Նշենք, որ ըստ ներկուսակցական ընտրությունների արդյունքների՝ ԶԳ վարչապետի թեկնածուն Նիկոլ Փաշինյանն է: Ցուցակը կգլխավորի հենց ինքը՝ Փաշինյանը: Եւ այսպես՝ 1. Փաշինյան Նիկոլ, 2. Միրզոյան Արարատ, 3. Ավանեսյան Անահիտ, 4. Պապիկյան Սուրեն, 5. Պապոյան Գեորգ, 6. Գալստյան Սրբուհի, 7. Ռուբինյան Ռուբեն, 8. Ալեքսանյան Վահագն, 9. Ղազարյան Ալիսա, 10. Հարությունյան Արայիկ...



Շարունակությունը՝ ArmLur.am կայքում

ՀԱՌՑԱԳՐՈՒՅՑ

«ՄԵՆՔ ԶԵՆՔ ՊԱՏՐԱՍՏՎՈՒՄ ԼՌԵԼ»

ArmLur.am-ը գրուցել է Հայաստանի Հանրապետության «Համահայկական ճակատ» կուսակցության նախագահ Արմեն Վարդանյանի հետ:



հետ էր կապված, քանի որ իշխող ուժը նրանք են:

Երրորդ օրը որոշեցինք նաև Դեմիրճյան փողոցի մուտքի մոտ կանգնել եւ դուրս եկող պատգամավորներին հարցեր ուղղել:

-ՔՊ բոլոր պատգամավորները չէին արձագանքում, թե՛ կարող էք նշել կոնկրետ անուններ:

-Միայն Բաբկեն Թուխյանը կանգնեց եւ գրուցեց ինձ հետ: Ես նրան հարցրեցի՝ որպես պատգամավոր՝ աջակցում է ծնողների պահանջին: Նա պատասխանեց, որ այո, աջակցում է եւ հասկանում է նրանց պահանջը, ինչի համար ես անձամբ շնորհակալություն եմ հայտնել:

Մնացած պատգամավորները պարզապես անցնում էին՝ առանց կանգ առնելու կամ պատասխանելու:

-Ալեն Սիմոնյանի հետ միջադեպը ինչպե՞ս սկսվեց եւ ինչպե՞ս հասավ հայիդյանքի մակարդակի:

-Իմ գնահատմամբ՝ Ալեն Սիմոնյանը դուրս էր եկել սարքելու: Եթե նա պարզապես ուզում էր մուտք գործել Ազգային ժողով, կարող էր դա անել այլ ճանապարհով, սակայն նա ընտրեց հենց այդ հատվածը, որտեղ ծնողներն ու ակցիայի մասնակիցները կանգնած էին:

Ալգրում մոտեցավ, բարեկեց, հետո ասաց, որ ժամանակ չունի եւ չի կարող պատասխանել հարցերին: Այդ ընթացքում Միկան ուղիղ եթերով հարց ուղղեց նրան՝ կարո՞ղ եմ գրուցել:

Ըստ ներկայացվածի՝ Ալեն Սիմոնյանը պատասխանել է արհամարհական տոնով, ինչից հետո խոսակցությունը վերածվել է վիճաբանության: Դրանից հետո արդեն սկսվել են փոխադարձ վիրավորանքներ, եւ լարվածությունը մեծացել է:

Ես մոտեցել եմ, որպեսզի բաժանեմ կողմերին, սակայն իրավիճակն ավելի է սրվել:

-Ալեն Սիմոնյանը նշել է, որ Միկա Մարգարյանը պարբերաբար իր հասցեի հասցեական խոսք է տարածել: Նման բան եղել է:

-Ես կարող եմ հստակ ասել, որ նման բան չեմ տեսել: Միկա Մարգարյանը իմ ընկերների ցանկում է սոցիալական ցանցերում, եւ այս ընթացքում ես նմանատիպ հրապարակումներ չեմ նկատել:

-Միկա Մարգարյանին այցելել էք, ինչպե՞ս է նա իրեն զգում, եւ ի՞նչ էք պատրաստվում անել այս միջադեպից հետո:

-Այո, մենք ամեն օր կապի մեջ ենք: Նա իրեն լավ է զգում, շարունակում է իր ուղիղ եթերները եւ ակտիվությունը:

Շարժումը չի մարել: Մեր հիմնական պահանջը մնում է նույնը՝ հանրությանը հասանելի դարձնել 44-օրյա պատերազմի քննիչ հանձնաժողովի արդյունքները եւ ներկայացնել պատասխանատուներին:

Մենք չենք պատրաստվում լռել կամ հետ կանգնել մեր պահանջներից:

Ջրուցեց՝ ՆԱՆԿ ԿՐԱՍՅԱՆԸ



ՓԱՇԻՆՅԱՆԸ ԿԱՐԵՎՈՐԵԼ Է



Վարչապետ Նիկոլ Փաշինյանն ընդունել է ՀՀ-ում Եվրոպական միության քաղաքացիական առաքելության նորանշանակ ղեկավար Սատու Կոյվուին:

Վարչապետը շնորհավորել է տիկին Կոյվուին պատասխանատու պաշտոնը ստանձնելու առիթով եւ կարեւորել է ԵՄ քաղաքացիական առաքելության գործունեությունը մեր երկրում: Նիկոլ Փաշինյանն ընդգծել է, որ ՀՀ-ԵՄ հարաբերություններն ունեն զարգացման դիմադրական բնույթ եւ ընդգծել է ժողովրդավարական ինստիտուտների զարգացման գործում ԵՄ հետեւողական աջակցությունը:

Սատու Կոյվուն շնորհակալություն է հայտնել ջերմ ընդունելության համար, անդրադարձել է ԵՄ քաղաքացիական առաքելության գործունեությանը: Նա վստահություն է հայտնել, որ ՀՀ Կառավարության գործընկերների հետ կշարունակվի սերտ համագործակցությունն ու ակտիվ երկխոսությունը:

Հանդիպման ընթացքում զրուցակիցներն անդրադարձել են Հայաստանի եւ Ադրբեյջանի միջեւ խաղաղության հաստատմանը, ինչպես նաև տարածաշրջանում կայունության ապահովմանը վերաբերող հարցերի:

ՀԱՐԳԱՆՔԻ ՏՈՒՐՔ ԵՆ ՄԱՏՈՒՑԵԼ



Բելգիա-Հայաստան բարեկամական խմբի ներկայացուցիչները հարգանքի տուրք են մատուցել Հայոց ցեղասպանության զոհերի հիշատակին:

Բելգիայի Թագավորության բարեկամական խմբի ղեկավար Էլս Վան Յոֆի գլխավորած պատվիրակությունն ԱԺ Հայաստան-Բելգիա բարեկամական խմբի ղեկավար Արմեն Ռուստամյանի ուղեկցությամբ մարտի 31-ին այցելել է Շիծեռնակաբերդի հուշահամալիր եւ հարգանքի տուրք մատուցել Սուրբ Լահատակների հիշատակին:

Հյուրերը եղել են նաև Հայոց ցեղասպանության թանգարան-ինստիտուտում, գրառում կատարել Պատվավոր հյուրերի հուշամատյանում:

ՋԵՐՍ ԲԱՐԵՎՈՐՈՒԹՅՈՒՆ

«Արմենոբրես». Իրանին աջակցելն ու Իրանի կողմից լինելու հանգամանքը լուրջ կարևոր է իրանցիների համար, եւ Հայաստանի կողմից ցուցաբերվող մարդասիրական օգնությունները եւս մեկ անգամ փաստում են հայ եւ իրանցի ժողովուրդների ջերմ բարեկամությունը:

«Արմենոբրես»-ի հետ բացառիկ զրույցում այդ կարծիքը հայտնեց ՀՀ-ում Իրանի արտակարգ եւ լիազոր դեսպան Խալիլ Շիրոզլամին՝ այդ համատեքստում անդրադառնալով նաև Իրանի արտագործախարար Աբբաս Արաջիի գրառմանը:

Իրանի արտագործախարար Աբբաս Արաջին հայերենով գրառում էր գետնել X-ի իր միկրոբլոգում՝ նշելով, որ ՀՀ կառավարության եւ ժողովրդի աջակցությունը Իրանի ժողովրդին՝ իրանցիների տեղափոխման եւ մարդասիրական օգնության հարցերում, մեծ գնահատանքի է արժանի: Արաջին հավելել էր, որ Իրանի եւ Հայաստանի դարավոր կապը դժվար պահին կրկին ցույց տվեց իր ամրությունը, եւ եղբայրական այդ քայլերը կմասն Իրանի ժողովրդի հիշողության մեջ:

Դեսպան Շիրոզլամին տեղեկացրեց, որ այդ գրառումից զատ, Աբբաս Արաջին հեռախոսազրույց է ունեցել իր գործընկեր Արարատ Միրզոյանի հետ՝ իր երախտագիտությունը հայտնելով Հայաստանի ժողովրդին ու կառավարությանը՝ համագործակցության ու աջակցության, Իրանի կողքին լինելու համար:

«Թե՛ պետական, թե՛ մասնավոր կառույցների կողմից ստացել ենք մարդասիրական օգնություններ եւ ուղարկել Իրան: Թե՛ ես այս պահին Իրանում իրավիճակը կրիտիկական չեմ, սակայն մարդասիրա-

կան օգնությունները մեզ համար իսկապես գնահատելի են: Տառաջորդեն երեկ մի խումբ մարդիկ եկել էին դեսպանատուն՝ իրենց հետ բերելով դեղորայքով լի արկեր: Դա գեղեցիկ կերպով եւս մեկ անգամ փաստում է հայ եւ իրանցի ժողովուրդների ջերմ բարեկամությունը», - ասաց Շիրոզլամին: Դիվանագետը վստահեցրեց, որ Իրանում խուճապային տրամադրություններ չկան, ինչը վկայում է ժողովրդի հզոր կամքի մասին: Իրանում հանրային կյանքը շարունակվում է, խառնուրդներ գործում են անխափան, մթերային եւ այլ ապրանքների պակաս չկա: «Այդուհանդերձ, հաշվի առնելով այն հանգամանքը, որ պատերազմը շարունակվում է, ուստի կա նաև օգնությունների կարիք՝ հիմնականում դեղորայքի, բժշկական, օրթոպեդիկ սարքերի, որովհետեւ բազմաթիվ մարդիկ հայտնվելով փլատակների տակ՝ ստացել են տարբեր աստիճանի մարմնական վնասվածքներ: Պատերազմական շրջանում առաջնային օգնությունը յուրաքանչյուրին էլ պետք է»,- նշեց Շիրոզլամին: Նրա խոսքով՝ քանի դեռ ընթանում են պատերազմական գործողություններ, դժվար է ամբողջությամբ գնահատել Իրանին հասցված վնասները: Դեսպանի պնդմամբ՝ եթե մի երկիր մյուսի նկատմամբ իրականացնում է ագրեսիա, ապա անպայման պետք է դատապարտվի միջազգային օրենքի համաձայն եւ փոխհատուցի պատճառած վնասները: «Մեր կառավարությունը մշակել է մի մեխանիզմ՝ ստեղծելով հատուկ կայք, որի միջոցով հաշվառվում են պատերազմական գործողություններից տուժած եւ սեփականություն կորցրած մարդիկ: Ամեն ինչ հայտարարագրվում է: Հսկայական չափով

ԻՆՉ ՈՒՏԻ

17 ՎԱՅԱՐ ԳՈՒԼԱՐ ԱՎԱՆԻ, 22 ՎԱՅԱՐ ԳՈՒԼԱՐ ԿԱՆԻՏԻԿ

ՏՎՅԱԼՆԵՐ Է ՏՐԱՄԱԳԻՐԵԼ

Իսրայելը ԱՄՆ-ին հետախուզական տվյալներ է տրամադրել Յոզիա Լեդուրի և Խարկ կղզու վերաբերյալ Իրանում ամերիկյան գործերի ցամաքային գործողության նախապատրաստման մասին լուրերի ֆոնին, գրում է Times of Israel թերթը՝ հղում անելով իսրայելական ռազմական աղբյուրներին:

ԱՄՆ նախագահ Դոնալդ Թրամին ավելի վաղ հայտարարել էր, որ Միացյալ Նահանգները կարող են փորձել իրենց վերահսկողության տակ վերցնել իրանական Խարկ կղզին:

«Իսրայելի պաշտպանության բանակը ԱՄՆ-ին հետախուզական տեղեկատվություն է տրամադրել Նեդուրի և մերձակա կղզիների, ներառյալ՝ Խարկի վերաբերյալ», - ասվում է հոդվածում:

Իրանի խորհրդարանի նախագահ Մոհամադ-Բադեր Դալիբաֆն ավելի վաղ հայտարարել էր, որ ԱՄՆ-ն իրապարակավ ուղերձներ է հղում Իրանի հետ բանակցությունների մասին, սակայն գաղտնի պլանավորում է ցամաքային գործողություն:

ՔՆՆԱՐԿԵԼ ԵՆ



Վրաստանի վարչապետ Իրակլի Կոբախիձեն և ԱՄՆ պետքարտուղար Մարկո Ռուբիոն հեռախոսազրույցի ընթացքում քննարկել են Կովկասում ել Մեծովյան տարածաշրջանում անվտանգությունը, հաղորդում է Պետդեպարտամենտը:

Անցյալ շաբաթ ԱՄՆ պետքարտուղարության Եվրոպայի և Եվրասիայի հարցերով բյուրոյի ներկայացուցիչ Պիտեր Անդրեոլին ամերիկացի ներդրողների հետ այցելել է Թբիլիսի: Ուշադրության կենտրոնում էին Միջին միջանցքը և Վրաստանի դերը որպես տարածաշրջանային կապող օղակ և տրանսպորտային հանգույց:

«Պետքարտուղար Մարկո Ռուբիոն այսօր հեռախոսազրույց է ունեցել Վրաստանի վարչապետ Իրակլի Կոբախիձեի հետ: Նրանք քննարկել են փոխադարձ հետաքրքրությունները կապակցությամբ, այդ թվում՝ Կովկասում ել Մեծովյան տարածաշրջանում անվտանգությունը», - հայտարարության մեջ նշել է Պետդեպարտամենտի խոսնակ Թոմի Պիգոտը:

ՀԵՌԱՄՈՍԱԶՐՈՒՅՑ

Իրանի ԱԳ նախարար Աբբաս Արադջին հեռախոսազրույց է ունեցել Թուրքիայի ԱԳ նախարար Յաջար Բարդանի հետ: Իրանցի նախարարը հերքել է Թուրքիայի ուղղությամբ իրանական հրթիռների արձակման մասին լուրերը: «Իրանը հավատարիմ է բարիդրացիության սկզբունքին, Թուրքիայի ինքնիշխանության ու տարածքային ամբողջականության հարգելուն և պատրաստ է համատեղ տեխնիկական համագործակցության՝ ցանկացած հնարավոր հավակնություն ստուգելու համար», - ասել է Արադջին:

ArmLur.am-ը ուսումնասիրել է Վիճակագրական կոմիտեի նախագահ Մսթիան Մնացականյանի հայտարարագիրը:

Նախ նշենք, որ Ստեփան Մնացականյանը երկար տարիներ զբաղեցրել է պետական բարձր պաշտոններ: Նա 1996-1998 թվականներին եղել է ՀՀ Ազգային ժողովի վերահսկիչ պալատի նախագահի տեղակալ, 1998-2000 թվականներին՝ ՀՀ վիճակագրության, պետական ռեգիստրի և վերլուծության նախարար, 2000-ից մինչև 2018 թվականը՝ ՀՀ ազգային վիճակագրական ծառայության նախագահ, իսկ 2018 թվականի մայիսի 21-ից հանդիսանում է Վիճակագրական կոմիտեի նախագահ:

ArmLur.am-ը ուսումնասիրեց նրա հայտարարագիրը և պարզեց, որ Մնացականյանը հայտարարագրել է մեկ անշարժ գույք՝ Երեւանի Աջափնյակ վարչական շրջանում գտնվող հողամաս, որի բաժնային սեփականությունը կազմում է 1/20: Հողամասը ձեռք է բերվել 2020 թվականի հունիսի 22-ին՝ նվիրատվության կարգով:

Տրանսպորտային միջոց նա չի հայտարարագրել:

Դրամական միջոցների մասով ArmLur.am-ը պարզեց, որ նա ունի զգալի ֆինանսական միջոցներ: Մասնավորապես, բանկային ավանդները կազմում են 17,000 ԱՄՆ դոլար և 15,000,000 դրամ: Բանկային հաշիվների մնացորդները կազմել են 3,187.58 ԱՄՆ դոլար, 2,182,028.3 դրամ և 6,759,636.8 դրամ: Կանխիկ դրամական միջոցները կազմում են 4,000 եվրո, 22,000 ԱՄՆ դոլար և 2,000,000 դրամ:

Ինչ վերաբերում է եկամուտներին, ապա ArmLur.am-ը ուսումնասիրեց և պարզեց, որ հաշվետու տարվա ընթացքում Ստեփան Մնացականյանի ընդհանուր եկամուտը կազմել է 23,362,590 դրամ: Այդ թվում 18,437,592 դրամը՝ աշխատավարձ «Հայաստանի Հանրապետության վիճակագրական կոմիտեի»-ից, 4,116,550 դրամը՝ եկամտային հարկի վերադարձ ՀՀ պետական եկամուտների կոմիտեից, իսկ 808,448 դրամը՝ կենսաթոշակ ՀՀ աշխատանքի և սոցիալական հարցերի նախարարությունից:

ՕՐՎԱ ԽՃԱՆԿԱՐ

ԱՇԽԱՐՀԻ ՉԵՄՊԻՈՆՏԻ ՈՐԳԻՆ Է

Կիրակի օրը եկեղեցու տարածքում Նիկոլ Փաշինյանի հետ տեղի ունեցած միջադեպից հետո իրավապահ մարմինները ձերբակալել են երկու երիտասարդ եղբայրների և ազատամարտիկի:

Երեկ քննիչները այցելել էին երիտասարդների բնակարան՝ իրականացնելու քննչական գործողություններ և խուզարկություն: Իհարկե, նրանց տանից որբել արգելված կամ գործի համար նշանակալի առարկա չի հայտնաբերվել: Սակայն ուշագրավ է, թե ով էր քննչական գործողություններ իրականացրած քննիչը:

ArmLur.am-ի՝ իրավապահ համակարգին մոտ կանգնած աղբյուրների փոխանցմամբ, նա բռնցքամարտի աշխարհի չեմպիոն Իսրայել Հակոբկոխյանի որդին է:

Հատկանշական է, որ Իսրայել Հակոբկոխյանը տարիներ շարունակ հայտնի է եղել իր ակտիվ քաղաքացիական դիրքորոշմամբ և տարբեր հասարակական հարցերի շուրջ մղած պայքարով: Մինչդեռ իրավապահ համակարգում նրա որդին ներգրավված է եղել դպրոցահասակ երիտասարդների նկատմամբ մեղադրանք առաջադրելու գործընթացում:

Ք. Ս.



մը՝ եկամտային հարկի վերադարձ ՀՀ պետական եկամուտների կոմիտեից, իսկ 808,448 դրամը՝ կենսաթոշակ ՀՀ աշխատանքի և սոցիալական հարցերի նախարարությունից:

Միեւնույն ժամանակ, Մնացականյան ունի խոշոր վարկային պարտավորություն: Մասնավորապես, հաշվետու տարվա դեկտեմբերի 31-ի դրությամբ նրա հիպոտեկային վարկի մնացորդը կազմել է 57,967,944.9 դրամ, որի առարկան հանդիսանում է հողամաս:

Բացի այդ, հայտարարագրում նշված է, որ նա նվիրատվության կամ օգնության

կարգով տրամադրել է գույք, որի արժեքը կազմել է 10,000,000 դրամ:

ArmLur.am-ը ուսումնասիրեց նաև Ստեփան Մնացականյանի կնոջ՝ Սրբուհի Հովհաննիսյանի հայտարարագիրը: Պարզվեց, որ նրա միակ հաշվետու տարվա եկամուտը կազմում է 454,920 դրամ՝ որպես կենսաթոշակ, սակայն նա ունի զգալի դրամական միջոցներ՝ բանկային ավանդներում 15,000,000 դրամ, բանկային հաշիվներում 1,502,219 դրամ և կանխիկ 350,000 դրամ ու 2,000 ԱՄՆ դոլար:

ՍՈՍԱ ԳՐԻԳՈՐՅԱՆ

ՄԱՐԴԱՍԻՐԱԿԱՆ ՕԳՆՈՒԹՅՈՒՆ ԻՐԱՆԻՆ

Հայ Յեղափոխական Դաշնակցության Բյուրոյի կողմից այսօր դեղեր և դեղորայքային պարագաներ են փոխանցվել ՀՀ-ում Իրանի դեսպանությանը:

ՀՀ Արցախի Կենտրոնական կոմիտեի ներկայացուցիչ Արա Պուլուզյանը YerKir.am-ի հետ հարցազրույցում հայտնել է, որ մարդասիրական այս օգնությունը երախտագիտության դրսևորում է Իրանի ժողովրդի հանդեպ, քանի որ Հայաստանի և Արցախի դժվարին օրերին հարեան և բարեկամ Իրանը եղել է հայ ժողովրդի կողքին:

«Իհարկե, ոչ մի օգնություն էլ չի մեզմի բարեկամ Իրանի ժողովրդի ցավը, սակայն որպես մարդ, որպես բժիշկ, պարտավոր ենք ցավի ու վշտի մեջ գտնվող մարդկանց կողքին լինելու», - ասել է «Տոնոյան» բժշկական կենտրոնի վիրաբույժ, 44-օրյայի մասնակից Հենրիկ Մարգարյանը՝ փաստելով, որ բժշկական պարագաներն ընտրելիս իրեն օգնել է պատերազմին մասնակից լինելու փորձառությունը:

Մարդասիրական օգնությունն ընդունել է ՀՀ-ում Իրանի փոխդեսպանը՝ շնորհակալություն հայտնելով այս դժվարին օրերին Իրանի ժողովրդի կողքին լինելու համար:

րին Իրանի ժողովրդի կողքին լինելու համար:


ՎՃՌՈՐՈՇ ԿԼԻՆԵՆ

ԱՄՆ պաշտպանության նախարար Փիթ Յեյտսը հայտարարել է, որ առաջիկա օրերը վճռորոշ են լինելու Իրանի համար՝ ընդգծելով, որ Իրանը սահմանափակ հնարավորություններ ունի ռազմական պատասխան տալու: Նրա խոսքով՝ Թեհրանը կարող է շարունակել իր թիրախային հարվածները, սակայն ԱՄՆ-ն պատրաստ է դրանք խոցել: Յեյտսը նաև նշել է, որ Դոնալդ Թրամիի իրապարակած տեսանկյունում երեւում է, թե ինչպես են ամերիկյան ռազմական կործանարարները հարվածում Սպահանի գիւնապահետին: Նա ընդգծել է, որ Վաշինգտոնը սպասում է, որ Իրանը կընտրի բանակցությունների ճանապարհը, հավելելով, որ Թրամիը պատրաստ է համաձայնության, սակայն մերժման դեպքում ԱՄՆ-ն կուժեղացնի ռազմական գործողությունները: Յեյտսի գնահատմամբ՝ ամերիկյան հարվածներն արդեն ազդում են իրանական բանակի մարտունակության վրա՝ հանգեցնելով բարոյահոգեբանական անկման և անձնակազմի պակասի: «Մենք հստակ գիտենք, թե ինչ են անում Դոնալդ Թրամի և Չինաստանը: Մենք դրանով զբաղվում ենք», - ասել է Յեյտսը:

«ՅԵՏՔ»

ԻՆՉՊԵՍ ԶԲՈՍԱՅԳԻՆ ԴԱՐՉՐԻՆ «ՄԱԿՈՒԼԱՏՈՒՐԱ»

«ՀԵՏՔ» գրում է. «Հակակոռուպցիոն կոմիտեի քննիչ որչա Զիլինգարյանը որոշել է ԱԾ «Քաղաքացիական դայմա-նագիր» խմբակցության ղեկավար Հայկ Կոնջոյանի եւ այլ դաւաճանե-րի վերաբերյալ «ՀԵՏՔ» հրատարակ-ման հիման վրա քրեական վարույթ չնախաձեռնել:



Որոշման մասին քննիչը մեզ տեղեկաց-րել է փոստով ուղարկված նամակով: 10 է-ջանոց նամակի առաջին երկու էջում գրել է, թե ինչու չի նախաձեռնել քրեա-կան վարույթը, իսկ մյուս 8 էջերում քրեա-կան վարույթը կարճելու բուն որոշումն է, որը ստորագրությամբ հաստատել է նաև Գլխավոր դատախազության Հակակո-ռուպցիոն կոմիտեում մինչդրատական վա-րույթի օրինակալուծության նկատմամբ հսկողության վարչության դատախազ Ա. Գետրոյանը:

Այս որոշումը հիմնավորելու համար քննիչը նշել է, որ հողվածում ներկայաց-վածը բազմաշերտ իրավական հարաբե-րություններ են (ծեռնարկատիրություն, անշարժ գույքի օտարում եւ այլն):

պաշտոնյան՝ այրուհանդերձ հողվածն ու-ղարկելով Կոմիտեի մեկ այլ ստորաբաժա-նում օպերատիվ ստուգման:

Ջարմանալիորեն, «Յետքի» հողվածում նա չի տեսել կամ չի ցանկացել տեսնել Ա-բովյանի զբոսայգու սեփականաշնորհ-ման վերաբերյալ գլխավոր փաստերից մե-կը՝ Կառավարության համապատասխան որոշումը, որով հողամասը հանդիսացել է զբոսայգի (Կառավարության 2007 թ.-ի ո-րոշման 1-ին հավելվածում հստակ եր-եւում է, որ 2012 եւ 2016 թվականներին Է-դուարդ Բաբայանի ընտանիքի անդամնե-րի գնած հողամասը ներառված է եղել զբոսայգիների ցանկում: Այդ հողամասը եւ Աբովյանի կենտրոնական զբոսայգին առանձնացված են նույն նշումով):

2026թ.-ի մարտի 4-ին «Յետքը» հրա-պարակել էր «Անշարժ գույք՝ զբոսայգու դիմաց. ԶԳ-ականների, Էդուարդ Բաբա-յանի եւ արտոնյալ գործարարի կապը» հոդվածը: Մենք ներկայացրել էինք Առինջ եւ Աբովյան համայնքների հողերի, այդ թվում՝ Աբովյանի քաղաքային զբոսայգու մի մասի սեփականաշնորհման եւ հետա-գայում Հայկ Կոնջոյանի հետ կապված գործարարի կողմից դրա կառուցապատ-ման պատմությունները:

Մարտի 9-ին գրավոր հարցումով դիմել ենք գլխավոր դատախազ Աննա Վարդա-պետյանին՝ տեղեկանալու՝ «արդյոք նշված հրապարակումը դատախազութե-լում ուսումնասիրվել է: Եթե այո, ապա ի՞նչ ընթացք է տրվել»:

Մարտի 18-ին մեր հարցումը հողվածի հետ միասին փոխանցվել է Հակակոռուպ-ցիոն կոմիտեի տնտեսական գործունեութե-լի ղեկավարի օրինակալուծության բույթի հան-ցագործությունների քննության վարչութե-լի պետի տեղակալ Բորյա Զիլինգարյա-նին:

Մարտի 19-ին քննիչը որոշել է քրեա-կան վարույթ չնախաձեռնել:

Մարտի 20-ին Գլխավոր դատախա-զության հակակոռուպցիոն կոմիտեում մինչդրատական վարույթի օրինակալուծ-յան նկատմամբ հսկողության վարչության դատախազ Ա.Գետրոյանը հաստատել է քրեական վարույթ չնախաձեռնելու որոշ-ման օրինակալուծությունը:

Քրեական վարույթ չնախաձեռնելու ո-րոշումը, ինչպես վերելում նշեցինք, բաղ-կացած է 8 էջից: Դրանից 6.5 էջում ար-տատված է «Յետքի» հողվածի մեծ մա-

Այս որոշումը հիմնավորելու համար քննիչը նշել է, որ հողվածում ներկայաց-վածը բազմաշերտ իրավական հարաբե-րություններ են (ծեռնարկատիրություն, անշարժ գույքի օտարում եւ այլն):

«Հարգումներ արձանագրված իրա-դարձություններին վերաբերելի փաստա-կան տվյալները չեն հաղթահարում քրեա-կան վարույթի նախաձեռնման համար անհրաժեշտ նվազագույն իրավական շե-մը, դրանք բովանդակում են առերևույթ հանցանքների հնարավոր կատարման վերաբերյալ կասկածներ, միաժամանակ՝ դրանց ստուգման ընթացքում առանձին հանգամանքների վերաբերյալ ձեռքբե-րված հակասական տվյալներ (օրինակ՝ հա-ղորդմամբ ներկայացված՝ որպես զբոսայ-գու տարածք նկարագրված օտարված հո-ղամասի՝ ՀՀ հողային օրենսգրքի 60-րդ հոդվածով նախատեսված սահմանափա-կումների ցանկում երբեք ընդգրկված չլի-նելու վերաբերյալ ՏԻՄ պաշտոնական գրություն եւ այլն), նաև բացառապես գործարքի կողմերի փոխկապակցվա-ծությունից բխեցվող հետևություններ, ուստի տվյալ իրավիճակում քրեադատա-վարական արձագանքը կհակասի քրեա-կան իրավունքի սուբսիդիար բնույթին եւ դրա գործառնության նպատակին՝ հան-գեցնելով հանրային իրավահարաբերութե-լունների անհիմն քրեականացման»,- եզ-րահանգել է Հակակոռուպցիոն կոմիտեի

Ջրոսայգու հանգամանքն ապացուց-վում է նաև արբանյակային պատկերնե-րով, որոնք կցված են հողվածին: Հավա-նաբար, Հակակոռուպցիոն կոմիտեում չեն կարողանում օգտվել Google Earth առ-ցանց անվճար գործիքից, որով հնարա-վոր է տեսնել երկիր մոլորակի վրա տար-բեր տարիների իրականացված արբանյա-կային լուսանկարները: Աբովյանի զբոսայ-գու սեփականաշնորհման դեպքը մեր հրապարակման մեջ տեղ գտած փաստե-րից ընդամենը մեկն է:

Ի դեպ, քրեական վարույթ չնախաձեռ-նելու որոշումը հաստատելով՝ դատախա-զության համապատասխան պաշտոնյան իր հերթին օրինակալուծություն է Հակակա-ռուպցիոն կոմիտեի որոշումը:

Հ.Գ. Որոշումը կայացվել է մարտի 19-ին, երբ վարչապետ Նիկոլ Փաշինյանը լրագրողների հետ ձեռագրույցի ժամանակ, վերջինից թողնելով ՔՊ խմբակցության ղեկավար Հայկ Կոնջո-յանի վերաբերյալ լրագրողի հարցից, հայտա-րարեց. «Ուղարկե՛ք այդ փաթեթը, մնացած տնտեսական մակույստարան, ուղարկե՛ք ի-րավապահ մարմիններին»:

ԼՈՒՐԵՐ

ՄԵՂԱԳՐԱՆՔ ԵՆ ԱՌԱՋԱԳԻԵԼ

ArmLur.am-ը տեղեկացավ, որ Սուրբ Աննա եկեղեցում միջադեպի մասնա-կից Դավիթ եւ Միքայել Մինասյան եղ-բայրներին տեղափոխել են Երեւան քա-ղաքի քննչական վարչություն:

Հիշեցնենք, որ Սուրբ Աննա եկեղեցում Շաղկապարդի պատարագի ընթացքում վարչապետը շքախմբով մտել է եկեղե-ցի, գրավել ներկաների ուշադրությունը, ինչից դժգոհել են ներկաները: Դավիթ եւ Միքայել Մինասյան եղբայրներից մեկն ասել է. «տեսց չնայես»: Կադրեր կան, որ վարչապետի թիկնազորի ներ-կայացուցիչներից մեկը հարվածել է Ե-րիտասարդներից մեկի ծնոտին, ինչից հետո սկսվել է քաշքշուկ: Մոտ մեկ ժամ անց եկեղեցու բակից ոստիկանները բիրտ ուժով բերման ենթարկեցին Դավիթ եւ Միքայել Մինասյան եղբայր-ներին, ինչպես նաև Հայ ազգային ճա-կատի հիմնադիր, քաղաքական գործիչ Գետրոգ Գետրոյանին:

Սուրբ Աննա եկեղեցու միջադեպի գործով ձերբակալված Միքայել Մի-նասյանը դուրս եկավ քննչական վար-չությունից. նրա նկատմամբ խափան-ման միջոց է ընտրվել բացակայելու ար-գելքը: Այս մասին հայտնել է փաստա-բանը: «Երկուսն էլ ունեն մեղադրյալի կարգավիճակ, մեղադրանք առաջադր-վել է»,-լրագրողներին ասաց փաստա-բան Վարդուհի Էլբակյանը: Միքայել Մինասյանը լրագրողներից ասաց, որ լավ է, իր հանդեպ լավ են վերաբերվել, բայց խնդրեց այլ հարցեր չտան:

2026 թվականի մարտի 29-ին Սուրբ Աննա եկեղեցում տեղի ունեցած միջա-դեպի առթիվ նախաձեռնված քրեական վարույթի նախաքննության ընթացքում Դ.Ս.-ի նկատմամբ հարուցվել է հանրա-յին քրեական հետապնդում՝ Քրեական օրենսգրքի 297-րդ հոդվածի 1-ին մա-սով (խուլիգանությունը) եւ 452-րդ հոդվածի 3-րդ մասով (պաշտոնատար անձի օրինական ծառայողական կամ քաղաքական գործունեությանը միջամ-տելը), Ս.Ս.-ի նկատմամբ՝ 46-297-րդ հոդվածի 1-ին մասով (խուլիգանութե-լի մասով) եւ 46-452-րդ հոդվածի 3-րդ մասով (պաշտոնատար անձի օրի-նական ծառայողական կամ քաղաքա-կան գործունեությանը միջամտելուն ա-ջակցելը) եւ Գ.Գ.-ի նկատմամբ՝ 46-297-րդ հոդվածի 1-ին մասով (խուլիգանութե-լունը կազմակերպելը) եւ 46-452-րդ հոդվածի 3-րդ մասով (պաշտոնատար անձի օրինական ծառայողական կամ քաղաքական գործունեությանը միջամ-տելը կազմակերպելը):

ԱՊՕՐԻՆԻ

ՊԾ Երեւան քաղաքի գնդի 3-րդ գումարտակի 2-րդ վաշտի ծառայողնե-րը մարտի 26-ին՝ ժամը 3.40-ին, Կոմիտասի պողոտայի հասցեներից մե-կի մոտ հայտնաբերել, ապօրինի զենք-զինամթերք պահելու եւ կրելու կասկա-ծանքով ձերբակալել եւ «Մերսեդես» մակնիշի մեքենայով հանդերձ՝ Համայն-քային ոստիկանության Արաբկիրի բա-ժին են տեղափոխել Արագածոտնի մարզի բնակիչ՝ 22 եւ 34 տարեկան 3 Ե-րիտասարդի: 34-ամյա Երիտասարդի անձնական խուզարկությամբ հայտնա-բերվել են լիցքավորված ատրճանակ եւ գաղտնի փականով ծալովի դանակ: Ե-րիտասարդները կազմված փաստաթղ-թերի հետ ներկայացվել են նախաքն-նական մարմին:

ՀՐԴԵՅԻ ԱՅԱԶԱՆԳ

Մարտի 31-ին, ժամը 08:15-ին Սյունի-քի մարզային օպերատիվ կառավարման կենտրոնն ահազանգ է ստացվել, որ հրդեհ է բռնկվել Միսիան քաղաքի Շիրակի փողոցում գտնվող խանութե-րից մեկում: Դեպքի վայր է մեկնել ՆԳՆ ՓԾ մարզային փրկարարական վար-չության հրշեջ-փրկարարական ջոկա-տից երկու մարտական հաշվարկ: Պարզվել է, որ հրդեհը բռնկվել է մթերա-յին խանութում: Հրդեհը մեկուսացվել է ժամը 08:47-ին, մարվել՝ 09:17-ին: Այրվել են տնտեսական իրեր եւ սննդամթերք: Հրդեհի հետեւանկցով մասամբ փլուզվել է միջնապատը եւ ձեւախախտվել ճակա-տային պատից մի հատված: Հրշեջ-փրկարարներին հաջողվել է կանխել հրդեհի տարածումը:



● Մարտի 27-ից 30-ը Հայաստանի Հանրապետությունում բացահայտվել է բնակարանային գողութե-լի 2 դեպք:

ՀԱՍԱՐԱԿՈՒԹՅՈՒՆ

ՄԱՐԶ

ՔԱՎՈՐ ՄԱՐԶՊԵՏԸ ԶԳԻՏԻ՞ ԹԻՎԸ



44-օրյա պատերազմից որոշ ժամանակ անց՝ 2021 թվականին, Տավուշի մարզպետ Յայկ Ղալումյանին տեղեկատվական հարցում են արել Արցախում տեղի ունեցած պատերազմի ընթացքում Տավուշի մարզից զոհերի, գերիների և անհետ կորածների թվի մասին: Տավուշի մարզպետարանի աշխատակազմի գլխավոր քարտուղար Արման Գեւորգյանի անունից ուղարկված գրավոր պատասխանում նշված էր, որ 2020 թվականի աշնանը Արցախում տեղի ունեցած պատերազմի զոհերի, գերիների և անհետ կորածների վերաբերյալ պաշտոնական տեղեկատվություն Տավուշի մարզպետարանում առկա չէ: Այն ժամանակ հավաստի աղբյուրներից տեղեկացա, որ 2020թ. աշնանը Արցախում տեղի ունեցած պատերազմում զոհվել է Տավուշի մարզի 116, անհետ կորել՝ 14 բնակիչ: Յայտնի չէր, թե այդ 14 անհետ կորածների մեջ Ադրբեջանում գտնվող գերի կա, թե ոչ: Այն ժամանակ Տավուշի մարզպետարանի պաշտոնյան, որը չցանկացավ, որ իր անունը հրապարակվի, լրագրողիս հայտնեց, որ կառավարությունը ներքին կարգով, բանավոր հրահանգել է մարզպետարաններին, որպեսզի դրանք զոհվածների և անհետ կորածների թվեր չհրապարակեն: Յետո Տավուշի մարզից 14 անհետ կորածներից մի մասի մարմինները հայտնաբերվեցին, նրանք հուղարկվորվեցին:

2026 թվականի մարտի 5-ին մարզպետ Յայկ Ղալումյանին նույն թեմայով նոր հարցում են արել. «44-օրյա պատերազմում Տավուշի մարզի քանի՞ բնակիչ է զոհվել, քանի՞ անձ է համարվում անհետ կորած»: Այս ազամ Տավուշի մարզպետի աշխատակազմից պատասխանել են. «Տեղեկատվությունը ստանալու համար առաջարկում ենք դիմել ՀՀ պաշտպանության նախարարություն»: Յայկ Ղալումյանը 2021թ. ապրիլի 8-ին իր դասընկեր, իր սանիկ, վարչապետ Նիկոլ Փաշինյանի որոշմամբ նշանակվել է Տավուշի մարզպետ: 5 տարի որպես Տավուշի մարզպետ պաշտոնավարելով, պետական բյուջեից բարձր ռոնդի եւ մեծ պարգևավճարներ ստանալով՝ Յայկ Ղալումյանը չի՞ ցանկացել իմանալ, թե Տավուշի մարզից քանի անձ է պատերազմում զոհվել հանուն հայրենիքի, քանիսն է համարվում անհետ կորած: Եթե մարդասիրական մի կազմակերպությունից զանգահարեն մարզպետ Ղալումյանին եւ ասեն, որ իրենք 44-օրյա պատերազմում զոհված ու անհետ կորած տավուշցիների ընտանիքներին մարդասիրական օգնություն են հատկացնում, հարցնեն՝ որքան է նրանց թիվը, մարզպետը ի՞նչ է պատասխանելու, հավանաբար պատասխանելու է՝ դիմել Յայաստանի Յանրապետության պաշտպանության նախարարություն, իմացել:

ՈՍՎԱՆ ՍՈՐՈՑՅԱՆ

ԲԱՑ ՆԱՄԱԿ

«Ա. ԱՎԱՆԵՍՅԱՆԵ ՕԳՆՈՒՄ Է ԱՄՈՒՄՆՈՒՆ ՊԱՏԿԱՆՈՂ ԸՆԿԵՐՈՒԹՅՈՒՆՆԵՐԻՆ»

ArmLur.am-ը բաց նամակ էր ստացել ՀՀ ֆաղափացուց, որտեղ նշվում էր.

«Առողջապահության նախարարության աշխատակից եմ: Անսահիտ Ավանեսյանի վերաբերյալ արդեն հայտնի փաստերից բացի, նկատել եմ նոր սխեմաներ, կապված իր ամուսնու հետ: Ուզում եմ դիմել ձեզ մի խնդրանքով, միգուցե դուք կարողանա՞ք օգնել, տարածելով սա: Ուղղակի այն ինչ կատարվում է մեր նախարարությունում, անցել է բոլոր սահմանները: Առողջապահության նախարար Անսահիտ Ավանեսյանը վերածել է նախարարությունը կոռուպացված ընտանեկան բիզնեսի: Պետպատվերների մեծամասնությունն իրականացվում է իր մորը պատկանող «Արֆարմացիա» ընկերության կողմից: Վերջին տարվա ընթացքում ավելի քան 83 միլիոն դրամի պայմանագիր է կնքվել: Գիտեմ, որ վերջերս ԶԼՄ-ներն արդեն անդրադարձել են տվյալ իրավիճակին, բայց ցավոք անզամ այդ հանրային արձագանքը ոչինչ չի փոխել:

Միեւնույն է ամեն ինչ արվում է սեփական բիզնես-շահերից ելնելով, ինչն ազդում է թե դեղորայքի, թե սպասարկման ուղղակի վրա: Բացի այդ, իր լծակներն օգտագործելով, Անսահիտ Ավանեսյանն օգնում է ամուսնուն պատկանող ընկերություններին արտոնյալ դիրք ունենալ շուկայում: Օրինակ՝ սարքավորումների մատակարարման շրջանակներում 53,4 միլիոն դրամի չափով հարկային արտոնություններ եւ պետության կողմից ավելի քան 25 միլիոն դրամ դրամաշնորհներ ստանալ, առանց ինչ որ հանգամանքի:

Խնդրում եմ հրապարակել վերոնշյալ տեղեկությունը, քանի որ մենք չենք ընդունում այն, որ մեր ժողովուրդը պետք է տուժի նախարարի սեփական շահերի պատճառով եւ հոգնել ենք աշխատել ընտանեկան բիզնեսի առաջխաղացման նպատակով, մենք ուզում ենք արդար Առողջապահության նախարարություն եւ արդար ղեկավար:



Հղումներն ամրացնում եմ նամակին՝ 1. 1. «Արֆարմացիա» ընկերության վերջին տարում կնքված որոշ պայմանագրեր՝ 3. Ինչպես նաեւ կցում եմ պետական պայմանագրերի գրանցման համակարգից 4 դրամաշնորհների լուսնկարը»: Մենք այս բաց նամակի վերաբերյալ դիմեցինք ՀՀ առողջապահության նախարարի մամուլի խոսնակին. «Շահերի հնարավոր բախման համատեքստում լրատվամիջոցների մեր գործընկերների հարցումներին ի պատասխան ուղղակի կներկայացնեմ Կոռուպցիայի կանխարգելման հանձնաժողովի եզրակացությունը, որն ի դեպ, հենց նախարարի դիմումի հիման վրա է ներկայացվել: «Հանձնաժողովը ուսումնասիրության արդյունքում արձանագրել է, որ Առողջապահության նախարարությունում, նախարարը, ի պաշտոնե, չի հանդիսանում գնման գործընթացում ներգրավված անձ կամ պայմանագրի կողմ, ինչպես նաեւ չի ձեւավորում գնահատող հանձնաժողով կամ այլ կերպ մասնակցում գնման գործընթացի կազմակերպմանը: Յետեւայես շահերի բախման մասին խոսք գնալ չի կարող: Դուք գիտեք, որ Կառավարության 2017 թվականի մայիսի 4-ի N 526-Ն որոշմամբ

հաստատված՝ «Գնումների գործընթացի կազմակերպման կարգ»-ի 5-րդ կետի համաձայն՝ յուրաքանչյուր գնման գործընթացի համար պատասխանատու է պատվիրատուի ղեկավարը: Պատվիրատուի ղեկավարը սահմանում է գնումները համակարգող, պատասխանատու ստորաբաժանում, գնահատող հանձնաժողով, գնման գործընթացների կազմակերպման ժամանակացույցը նաեւ կնքում է պայմանագիրը եւ հաստատում է գնման ընթացակարգի արձանագրությունը: Նույն կարգի 6-րդ կետի համաձայն՝ Պատվիրատուի ղեկավարը պետական կառավարման մարմնում գլխավոր քարտուղարն է կամ վերջինիս լիազորությամբ գլխավոր քարտուղարի տեղակալը: Առողջապահության նախարարությունն իր կարիքների համար անհրաժեշտ բոլոր ապրանքների, դեղերի գնման ընթացակարգերը կազմակերպում եւ իրականացնում է բացառապես մրցակցային եղանակով մրցույթներ հայտարարելու միջոցով: Ոնդ որում, վերջիններիս մասին որոշ տեղեկատվությունը հասանելի է ՀՀ Ֆինանսների նախարարության գնումների համակարգում gnumner.am»: ՍՈՍԱ ԳՐԻԳՈՐՅԱՆ

ՍՈՑԻԱԼԱԿԱՆ-ՔԱՂԱՔԱԿԱՆ

ԱՄԵՆԱՆՎՏԱՆԳ ԵՐԿՐՆԵՐԻ ԸՆԹՔՈՒՄ Է

«Ահաբեկչության գլոբալ ինդեքս 2026»-ը (GTI) ներկայացրել է երկրների հերթական վարկանիշային աղյուսակը՝ ըստ ահաբեկչական սպառնալիքի մակարդակի: Նախորդ տարվա զեկույցի համաձայն՝ Յայաստանը զբաղեցնում էր 82-րդ տեղը: 2026 թվականին երկիրն իջել է 81-րդ հորիզոնական, ինչը թույլ է տալիս այն դասել աշխարհի ամենամեծ վտանգ երկրների շարքին ըստ այս ցուցանիշի (1-ից 100 բալանոց սանդղակով, որտեղ ավելի բարձր դիրքերը համապատասխանում են սպառնալիքի նվազագույն մակարդակին): Ահաբեկչական ակտիվության ամենաբարձր մակարդակ ունեցող պետությունների թվին են դասվել՝ Պակիստանը (8,574), Բուրինիա Ֆատն (8,324) եւ Նիգերը (7,816), իսկ ամենացածրը՝ Ուրուգվայը, Զիմբաբվեն, Վիետնամը: Վարկանիշում ներկայացված են նաեւ՝ Սիրիան (7,38)- 6-րդ տեղ, Իսրայելը (6,79)- 10-րդ, Աֆղանստանը (6,678)- 11-

րդ, Յնդկաստանը (6,428)- 13-րդ, Ռուսաստանը (5,593)- 17-րդ, Իրանը (5,477)- 18-րդ, ԱՄՆ-ն (4,521)- 28-րդ, Գերմանիան (4,447) - 29-րդ, Ֆրանսիան (3,224)- 35-րդ, Թուրքիան (3,212)- 36-րդ, Զինաստանը (1,311)- 54-րդ, Շվեյցարիան (0,749)- 67-րդ, Միացյալ Արաբական Էմիրությունները (0,749)- 68-րդ, Վրաստանը (0,506)- 77-րդ եւ Ադրբեջանը (0,123)- 93-րդ տեղ: «Ահաբեկչության գլոբալ ինդեքսի» ցուցանիշը ձեւավորվում է մի շարք հիմնավորումների հիման վրա, ներառյալ՝ ահաբեկչական միջադեպերի քանակը, զոհերի թիվը, հետեւանքների ծանրությունը, պատանդառության դեպքերը, ահաբեկչության դեմ պայքարի եւ նմանատիպ հանցագործությունների քննության արդյունավետությունը, ինչպես նաեւ այլ պարամետրեր:

ՄԵՂԱԳՐՈՒՄ Է

Ադրբեջանի ԱԳՆ-ն այսօր հանդես է եկել 1918-ի մարտի 31-ին Բաքվում տեղի ունեցած դեպքերի մասին հայտարարությամբ՝ պնդելով, որ 108 տարվա վաղեմության այդ իրադարձությունների ընթացքում «արմատական հայկական խմբավորում-

ները ադրբեջանցիների զանգվածային սպանություններ են իրագործել»: Ադրբեջանի ԱԳՆ-ն այսօր տարածած հայտարարության մեջ պնդում է, որ 1918 թվականի իրադարձությունների ընթացքում Բաքվի կոմունային եւ Դաշնակցությանը ենթակա հայկական ջոկատները իբր տասնյակ հազարավոր ադրբեջանիցների են սպանել: Ադրբեջանի արտաքին քաղաքական գերատեսչության պնդմամբ՝ «ցեղասպանության» ակտեր իրագործվել են ոչ միայն Բաքվում, այլեւ մի շարք այլ քաղաքներում: Դրանց թվում Ադրբեջանի ԱԳՆ-ը հիշատակել է նաեւ Երեւանը՝ օգտագործելով Յայաստանի մայրաքաղաքի ադրբեջանական անվանումը՝ Իրեւան: «20-րդ դարասկզբի ցեղասպանության այս արյունալի քաղաքականությունը շարունակվել է նաեւ նույն դարի վերջում համակարգային բնույթ ստանալով: Դրավկայություններն էին ներկայիս Յայաստանի տարածքից ադրբեջանցիների զանգվածային տեղահանությունը, օկուպացիայի տարիներին իրականացված զանգվածային սպանությունները՝ հատկապես Խոջալուի ցեղասպանությունը, այլ ռազմական հանցագործությունները», - նշված է Ադրբեջանի ԱԳՆ հայտարարության տեքստում:

● Մարտի 27-ից 30-ը բացահայտվել է թմրանյութի իրացման, անհետաձգելի միջամտության որոշման պահանջները չկատարելու 3-ական դեպք:

ՍՈՑԻԱԼԱԿԱՆ

ԼՈՒՐԵՐ

«ՈՒԺԵՂ ՀԱՅԱՍՏԱՆ»-Ը ԿՄԱՄՆԱԿՑԻ ԳԱՇԻՆՔՈՎ



Երեկ «Ուժեղ Հայաստան» կուսակցության խորհրդի անդամ Նարեկ Կարապետյանը դաշինքի ստեղծման վերաբերյալ հուշագիր է ստորագրել «Նոր դարաշրջան» կուսակցության նախագահ Զարուհյուն Զարուհյունյանի և «Միավորված հայեր» կուսակցության պատվավոր նախագահ, լիազոր ներկայացուցիչ Նաիրի Սարգսյանի հետ:

Հուշագիրը ստորագրած քաղաքական կուսակցությունները հայտարարում են, որ միավորվում են «Ուժեղ Հայաստան» կուսակցության քաղաքական օրակարգի և նախընտրական ծրագրի շուրջ և գործելու են պետականության ամրապնդման, ազգային և հոգեւոր արժեքների պաշտպանության, արդյունավետ և հաշվետու կառավարման, տնտեսական կայուն զարգացման, իրավական և սոցիալական արդարության և համերաշխության ապահովման սկզբունքների վրա:

Նշվում է, որ ձեռնարկվող դաշինքի գաղափարական հիմքը համահունչ է Սամվել Կարապետյանի կողմից առաջ քաշված ազգային-պետական և արժեքային մոտեցումներին, և կողմերը պատրաստակամություն են հայտնում համախմբվել այդ գաղափարական հենքի շուրջ:

Քաղաքական կուսակցությունները գալիք ընտրություններին կմասնակցեն միասնական քաղաքական դաշինքով՝ «Ուժեղ Հայաստան Սամվել Կարապետյանի հետ»: (Գ)

Հայտարարություն

Ես՝ Վիկտորյա Նորայրի Սարխատյանս, համաձայն հրաման թիվ 97-ի ընդունված 28.08.2018թ.՝ ընդունվել եմ սովորել եմ Արմավիրի պետական քոլեջում: Կորցրել եմ «Արմավիրի պետական բժշկական քոլեջ» ՊՈԱԿ-ի «Դեղագործություն» բաժնի դիպլոմ: Ուսումն ավարտել եմ համաձայն հրաման թիվ 124-ի՝ ընդունված 25.06.2021թ-ին: Ստացել եմ AK 181362 համարի դիպլոմ:

09.11.2023թ-ից «Արմավիրի պետական բժշկական քոլեջ» ՊՈԱԿ-ի իրավահաջորդ է հանդիսանում «Արմավիրի տարածաշրջանային պետական քոլեջ» ՊՈԱԿ-ը:

C360 ՊՐԵՄԻՈՒՄ

ՃԿՈՒՆՈՒԹՅՈՒՆ ԵՎ ԱՌԱՎԵԼՈՒԹՅՈՒՆՆԵՐ

Յուրաբանչյուր ճամփորդություն նոր փորձառություն է, էնոցիաներ և բացահայտումներ: ճամփորդությունը սկսվում է օդանավակայանից և ավաստում օդանավակայանով: Օդանավակայանում անցած ժամանակը և սողասարկման որակը դարձել են սուրիսակա փորձառության անբաժանելի մասը, իսկ հարմարավետությունը՝ բնական դահանգ: Business Lounge-ների նկատմամբ հետաքրքրությունն աճում է:



2025-ին Priority Pass-ի 14 միլիոնից ավելի անդամների 73%-ը տարվա ընթացքում գոնե մեկ անգամ օգտվել է Business Lounge-ներից:

Միաժամանակ, OAG Aviation-ի և Collinson-ի համատեղ ուսումնասիրությունը ցույց է տալիս, որ նրանց զգալի մասը՝ մոտ 47%-ը, վերջին 12 ամիսներին դրանցից չի օգտվել կամ օգտվել է միայն մեկ անգամ, 31%-ը՝ 4 կամ ավելի անգամ: Business Lounge տարվա մեջ 15 և ավելի մուտք գրանցել է միայն 3-5%-ը:

Շուկայում առկա նման առաջարկներից ինչպե՞ս ընտրել օպտիմալ՝ ստանալով անվճար մուտքերի անհրաժեշտ քանակ լավագույն պայմաններով:

Հարմարավետություն՝ C360 պրեմիում փաթեթներով

C360 պրեմիում փաթեթները մշակվել են համաշխարհային միտումների հիման վրա, այդ թվում՝ հնարավորություն տալով ընտրություն կատարել՝ ելնելով Business Lounge անվճար մուտքերի քանակից և արագ անցման ուղու (Fast Track) հասանելիությունից:

Անվճար մուտքի հնարավորության առաջարկներ շուկայում շատ կան, սակայն ինչո՞ւ ընտրել C360 պրեմիում փաթեթ, որն է Կոնվերս Բանկի առաջարկի տարբերությունը կամ առավելությունը:

Բանկն առաջարկում է ճկունություն: Պատկերացրեք իրավիճակ. Դուք ճամփորդելու պլաններ ունեք և հետաքրքրվում եք հասանելի առաջարկներով, որոնք սովորաբար սահմանափակվում են մեկ քարտով և միայն դրա շրջանակում հասանելի հնարավորություններ:

րով: Ի՞նչ անել, ինչպե՞ս օգտվել Business Lounge-ից հնարավորինս լավ պայմաններով: Պատասխանը մեկն է, դառնալ Կոնվերս Բանկի C360 պրեմիում փաթեթի օգտատեր և ստանալ անհամեմատ ավելի շատ առաջարկներ և հնարավորություններ Ձեզ և Ձեր ուղեկիցների համար:

Ջվարթնոց օդանավակայանի Fast Track + Business Lounge ծառայության տարեկան 2-20 անվճար վաուչեր Բանկի ակտիվ հաշվետեր հաճախորդներին: Առաջարկից օգտվելու համար պարզապես անհրաժեշտ է մուտքին նախորդող 30-օրյա ժամանակահատվածում կատարել հանրագումարային 000 դրամ/համարժեք արտարժույթը գերազանցող անկանխիկ գնումներ: Վաուչերները հնարավոր է ձեռք բերել Converse Mobile հավելվածով:

Մինչև 5 C360 Visa և C360 Mastercard պրեմիում քարտ մեկ փաթեթում մեկ ֆիքսված վճարով, այդ թվում կից քարտ Ձեր ընտանիքի անդամի անունով թե՛ տեղական և թե՛ միջազգային օդանավակայանների Business Lounge և Fast Track ծառայություններից օգտվելու հնարավորությամբ, ընդհուպ՝ անսահմանափակ մուտքերով:

Իսկ եթե անգամ սպառվել են հասանելի անվճար վաուչերները, Դուք հնարավորություն ունեք ձեռք բերել վաուչերներն արտոնյալ սակագներով:

Ընդունե՛ք՝ շուկայում առկա անվճար առաջարկները սահմանափակ են և միանման, իսկ տարբեր հնարավորությունների համադրումը՝ շահավետ. պարզապես անհրաժեշտ է ընտրել Ձեր կենսակերպին առավել համապատասխան C360 փաթեթ և օգտվել բազմակողմանի հնարավորություններից:

Բայց առավելությունները սրանով չեն ավարտվում, քանի որ C360-ը Ձեզ հետ է ճամփորդության պլանավորումից մինչև իրագործում, և Բանկի C360 պրեմիում փաթեթների օգտատերերը, բացի բանկային ծառայություններից, ստանում են՝ Անվճար տեղեկանքներ և քաղվածքներ,

Ճամփորդական ապահովագրություն, Concierge ծառայություն, Պրեմիում քարտերով հասանելի գեղջեր և արտոնություններ տեղական և միջազգային առևտրի և սպասարկման կետերում, այդ թվում՝ ավտոկարծույթից և այլ ճամփորդական ծառայություններից օգտվելիս:

C360-ը ոչ թե ավանդական բանկինգ է, այլ համալիր ծառայությունների փաթեթ, այդ թվում՝ հարմարավետությունը և նախընտրողների համար:

Conversebank.am, 010 511 211
Կոնվերս Բանկը վերահսկվում է ՀՀ ԿԲ կողմից

ԼՈՒՐԵՐ

UNILEVER-Ը ԳԱԳԱՐԵՑՐԵԼ Է

Համաշխարհային խոշոր ընկերություն Unilever-ը որոշել է ժամանակավորապես դադարեցնել Նոր աշխատակիցների ընդունումը՝ Մերձավոր Արևելքում, մասնավորապես Իրանի շուրջ զարգացող պատերազմի հետեանքով աճած ռիսկերի պատճառով: Այս մասին հայտնում է Reuters-ը՝ հղում անելով ընկերության ներքին փաստաթղթին: Ըստ աղբյուրի՝ սահմանափակումը կգործի առնվազն երեք ամիս, սակայն հակամարտության շարունակման դեպքում ժամկետը կարող է երկարաձգվել: Որոշումը վերաբերում է ընկերության բոլոր ստորաբաժանումներին ամբողջ աշխարհում և պայմանավորված է ծախսերի աճի ու տնտեսական անորոշության հետ: Unilever-ում ընդգծել են, որ ներկայիս աշխարհաքաղաքական իրավիճակը լուրջ մարտահրավերներ է ստեղծում բիզնեսի համար: Ընկերությունը, որն ունի շուրջ 96 հազար աշխատակից, վերջին տարիներին արդեն իրականացնում է ծախսերի օպտիմիզացիա և նախատեսում է մինչև 2027 թվականը ինսայել մոտ 800 միլիոն եվրո՝ նաեւ աշխատատեղերի կրճատման հաշվին:

ԲԵՆԶԻՆԻ ԳԻՆԸ՝ ՌԵԿՈՐԳԱՅԻՆ

ԱՄՆ-ում բենզինի միջին գինը գերազանցել է մեկ գալոնի համար 4 դոլարը՝ հասնելով վերջին տարիների առավելագույն ցուցանիշին: Այս մասին հայտնում է The New York Times-ը՝ ընդգծելով, որ նման բարձր գներ չեն գրանցվել 2022 թվականի օգոստոսից ի վեր: Վերլուծաբանների տվյալներով՝ Մերձավոր Արևելքում ընթացող պատերազմը շարունակում է ճնշում գործադրել շուկայի վրա. միայն փետրվարի վերջից գները աճել են շուրջ 35 տոկոսով: Փորձագետները զգուշացնում են, որ առաջիկա շրջանում թանկացումը կարող է շարունակվել՝ ավելի մեծ բեռ դնելով ամերիկացիների ծախսերի վրա: Չնայած ԱՄՆ-ը ուղղակիորեն կախված չէ Մերձավոր Արևելքից նավթի ներմուծումից, Հորնուզի նեղուցի փակման և

նավթային օբյեկտների վնասման հետեանքով համաշխարհային շուկաներում գների աճը ազդում է նաեւ ներքին շուկայի վրա: Միեւնույն ժամանակ, Դոնալդ Թրամփը հայտարարել է, որ Իրանի դեմ պայքարը առաջնային է՝ նույնիսկ վառելիքի թանկացման ֆոնին:

«ՅՈՒՆԻԲԱՆԿ»

«ՅՈՒՆԻԲԱՆԿ» ԲԲԸ բաժնետերերի արտահերթ ընդհանուր ժողովի գումարման մասին հայտարարություն
2026 թվականի ապրիլի 23-ին գումարվելու է «ՅՈՒՆԻԲԱՆԿ» բաց բաժնետիրական ընկերության բաժնետերերի արտահերթ ընդհանուր ժողով՝ համատեղ ներկայության կարգով իրական ժամանակի ռեժիմում Zoom հավելվածի միջոցով: Մասնակիցների գրանցումը Երեւանի ժամանակով սկսած ժամը 14:00-ից, ժողովի անցկացման սկիզբը ժամը 14:05-ին: unibank.am | +374 10 71 22 22, +374 10 59 55 55
Բանկը վերահսկվում է ՀՀ Կենտրոնական բանկի կողմից (Գ)

• «Ժողովուրդ» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՇԱԿՈՒՅԹ

ՔՆՆԱՐԿՈՒՄ

ՄՇԱԿՈՒՅԹԸ՝ ԶԲՈՄԱՇՐՋՈՒԹՅԱՆ ԶԱՐԳԱՅՄԱՆ ԿԱՐԵՎՈՐ ԽԹԱՆ

ԿԳՄՍ նախարարի տեղակալ Ալֆրեդ Քոչարյանը մասնակցել է «Հայաստանի գրոսաշրջությունը. որտեղ ենք եւ դեռ ինչ դեմք է անել» թեմայով տարածաշրջանային ֆինանսական, որը կազմակերպվել է Համաեվրոպական Executive MBA ծրագրի օրհանդեսում:



Հանդիպման նպատակն էր բաց երկխոսության ձեռնարկով անդրադառնալ Հայաստանի գրոսաշրջության ներկայիս, զարգացման ռազմավարությանը, ենթակառուցվածքներին, ներդրումներին եւ կայուն զարգացման հեռանկարներին:

ԿԳՄՍ նախարարի տեղակալը շնորհակալություն է հայտնել Հայաստանի գրոսաշրջության զարգացման տեսլականը համատեղ ձեռնարկելու հնարավորության համար եւ խնդրին անդրադարձել ՀՀ մշակույթի զարգացման քաղաքականության տեսանկյունից:

«Վերջին տարիներին պետությունը կոնկրետ քայլեր է ձեռնարկել բաց եւ ներառական մշակութային միջավայր ստեղծելու ուղղությամբ: Պետական քաղաքականության հիմնական մոտեցումն այն է, որ մշակույթը պետք է ապակենտրոնացվի, եւ մշակութային կյանքին հաղորդակցման հավասար պայմաններ ապահովվեն ոչ միայն հանրապետության մեծ քաղաքներում, այլեւ բոլոր համայնքներում: Այդ համատեքստում հատկապես մեծ ուշադրություն ենք դարձնում համայնքային մշակութային նախագծերին, որոնք խրախուսում են բնակչության ներգրավվածությունը տեղական մշակութային կյանքի ձեռնարկման գործում»,- ասել է Ալֆրեդ Քոչարյանը՝ թվարկելով մարզերում կազմակերպվող փառատոները, համերգային ծրագրերը եւ այլ միջոցառումները: Ներկայացնելով կատարված աշխատանքները՝ նա նշել է, որ պետությունը վերջին տարիներին իրականացրել է համակարգային բարեփոխումներ. ընդունվել են «Թանգարանների մասին» օրենքը եւ դրանից բխող ավելի քան երկու տասնյակ ենթաօրենսդրական ակտեր, որոնք ապահովում են ոլորտի լիարժեք կարգավորումը եւ կառավարման արդյունավետության բարձրացումը:

Ալֆրեդ Քոչարյանը կարեւոր ձեռքբերում է համարել նաեւ մշակույթի կառավարման արդիականացումը՝ շեշտելով, որ ներդրվել է թանգարանների միասնական էլեկտրոնային տոմսային համակարգը, որին արդեն միացած են տասնյակ թանգարաններ եւ դրանց մասնաճյուղերը: «Թանգարանների միասնական տոմսային համակարգը ոչ միայն բարելավում է այցելուների սպասարկումը, այլեւ ստեղծում է միասնական տվյալների բազա գրոսաշրջային հոսքերի վերլուծության եւ կառավարման համար»,- ասել է նա:

Որպես պետական քաղաքականության կարեւոր ուղղություն՝ նա նշել է մշակութային քաղաքականության միջազգայնացումը. վերջին տարիներին նախարարության ենթակայության թանգարաններն իրականացրել են տասնյակ միջազգային ցուցադրություններ, որոնցից առանձնահատուկ նշանակություն ունի Հայաստանի պատմության թանգարանում իրականացված «Մայր Աստվածություն. Անահիտից Մարիամ» միջազգային ցուցահանդեսը, որը կազմակերպվել է Բրիտանական թանգարանի հետ համատեղ: Ներկայում դեռ ընթանում է Հայաստանի պատմության թանգարանում կազմակերպված «Սրբազան երկխոսություն. Լուվրից Հայաստանի պատմության թանգարան» միջազգային ցուցադրությունը, որի շրջանակում առաջին անգամ Հայաստանում ներկայացված են Լուվրի թանգարանի հավաքածուներից տասնվեց ուշագրավ ցուցանմուշներ՝ համադրված Հայաստանի պատմության թանգարանի երկու տասնյակից ավելի արժեքավոր թանգարանային առարկաների հետ:

Նախարարի տեղակալ Ալֆրեդ Քոչարյանի խոսքով՝ Հայաստանի ազգային պատկերասրահն իրականացրել է «Հայկական իմպրեսիոնիզմի գույներն ու լույսերը» խորագրով ցուցահանդեսը՝ Ֆրանսիայի Բարբիզոնի «LESQUISSE» մշակութային կենտրոնում, իսկ Երիշտ Չարենցի անվան գրականության եւ արվեստի թանգարանը Հայաստանում ԱՄՆ դեսպանատան հետ համագործակցությամբ իրականացրել է «Սարոյանական գույներ. բառերից անդին» միջազգային ցուցահանդեսը: ԿԳՄՍ նախարարի տեղակալի դիտարկմամբ՝ նշյալ միջոցառումների շրջանակում հազարավոր գրոսաշրջիկներ հնարավորություն են ունեցել ծանոթանալու հայկական մշակույթին:

Մշակութային քաղաքականության մյուս կարեւոր ուղղությունը, ըստ նախարարի տեղակալի, միջազգային կառույցների հետ համագործակցության զարգացումն է:

Այդպիսով, հայկական մշակութային ժառանգությունը ներառված է ՅՈՒՆԵՍԿՕ-ի կոնվենցիաներով ստեղծված ցանկերում, եւ համալրման գործընթացը շարունակաբար իրականացվում է:

Ներկայում Համաշխարհային ժառանգության ցանկում Հայաստանը ներկայացված է հետեւյալ մշակութային ժառանգության օբյեկտներով՝

1. «Հաղպատի եւ Սանահինի վանքեր» (1996թ.)
2. «Էջմիածնի Մայր տաճար եւ եկեղեցիներ (Սբ. Հովհաննէս, Սբ. Գայանէ, Սբ. Շողակաթ) եւ Զվարթնոցի տաճարի հնավայր» (2000թ.)

Համաշխարհային ժառանգության նախնական ցանկում են գրանցված հետեւյալ հայտերը՝

1. «Երեւոյքի բազիլիկը եւ հնավայրը» (1995թ.)
2. «Դվին քաղաքի հնավայրը/հնագիտական հուշարձանը» (1995թ.)
3. «Տաթևի եւ Տաթևի Անապատ վանքերը եւ Որոտանի դաշտավայրի հարակից տարածքները» (1995թ.)
4. «Նորավանքը եւ Ամաղու դաշտավայրի վերին հատվածը» (1995թ.)
5. «Տիրիկատար հնավայրի վիշապաքարերը եւ մշակութային լանդշաֆտը» (2024թ.)


«Երեւանի ուրարտական ժառանգությունը» (2025թ.)

6. «Գառնի հնագիտական համալիրը եւ Քարերի սիմֆոնիան» (2025թ.)

Քննարկմանը որպես բանախոսներ հանդես են եկել ՀՀ գրոսաշրջության կոմիտեի նախագահ Լուսինե Գետրոյանը, ՀՀ տարածքային կառավարման եւ ենթակառուցվածքների նախարարի տեղակալ Քրիստինե Ղալեջյանը, Executive MBA ծրագրի տնօրեն, Յորքի համալսարանի եվրոպական կամպուսի Բիզնես դպրոցի դեկան, պրոֆեսոր Լեսլի Ազամոզին, պաշտոնատար այլ անձինք:

ՄԱՐԶԱԿԱՆ

ՄԱՄՆԱԿՑԵԼ Է ՄՐՑԱՇԱՐԻՆ



Պրոֆեսիոնալ ֆուտբոլից հեռանալուց հետո Էդեն Ազարն ուժերը փորձում է տարբեր ոլորտներում ու այս անգամ նա լրատվամիջոցների ուշադրությունը գրավել է հեծանվավազքի մրցաշարում հաջող հանդես գալուց հետո:

Բելգիայի հավաքականի նախկին ավագը մասնակցել է Իսպանիայի Մալյորկայում անցկացված հեծանվավազքի միջոցառմանը՝ անցնելով 167 կիլոմետրանոց մրցուղին:

Սա առաջին դեպքը չէ, երբ նա հեծանվով ճանապարհ է դուրս եկել: 2024 թվականին նա երբայրների հետ բարձրացել է Ֆրանսիայի հարավում գտնվող Վենտու լեռը, որը «Տուր դը Ֆրանս»-ի ամենահայտնի վերելքն է:

Ազարը նաեւ մասնակցում է ֆուտբոլային բարեգործական խաղերի, այդ թվում 2024 թվականին «Ստեմֆորդ Բրիջ»-ում կայացած «Soccer Aid»-ին:

35-ամյա Ազարը «Չելսի»-ի կազմում խաղացել է 2012-2017 թվականներին եւ նվաճել վեց խոշոր գավաթ, այդ թվում՝ Պրեմիեր լիգայի երկու տիտղոս:

2017-ից «Ռեալ»-ի ֆուտբոլիստ էր ու թիմի հետ դարձել է Չեմպիոնների լիգայի հաղթող: 2023 թվականին հայտարարել է կարիերան ավարտելու մասին, երբ ընդամենը 32 տարեկան էր:

ԿՄԱՄՆԱԿՑԻ 4 ՄԱՐԶԻԿՈՎ

Այս հանգստյան օրերին որոշվեցին Հայաստանի մարմնամարզության չեմպիոններն, ու արդեն ապրիլի 3-6-ը լավագույնները Կահիրեում կմասնակցեն Աշխարհի Գավաթի 4-րդ փուլին:

Այնտեղ ելույթ կունենան հենացատկում, օղակների վարժությունում ու զուգափայտում Հայաստանի չեմպիոն Արթուր Ղալթյանը, նժույգափերի հաղթող՝ Մամիկոն Խաչատրյանը, բազմամարտում հավասարը չունեցող Համլետ Մանուկյանն ու Արթուր Ավետիսյանը:

Հայ մարմնամարզիկները բաց են թողել Աշխարհի Գավաթի Բաքվի ու Անթալիայի փուլերը: Թուրքիա մեկնել չեն կարողացել, քանի որ մրցաշարի մեկնարկից առաջ հավաքի են մասնակցել Կատարում եւ Միջին Արեւելքում տիրող լարված իրավիճակի պատճառով չվերթները չեղարկվել էին:

Կահիրեից հետո Հակոբ Սերոբյանի թիմն ապրիլի 9-12-ը կմեկնի խորվաթական Օսիեկ՝ մասնակցելու Աշխարհի Գավաթի 5-րդ փուլին: Իսկ ապրիլի 15-18-ը Դոհայում նախատեսված վերջին փուլը չի կայանալու:

OPERA EUROPA-Ի ԱՆՂԱՍ

Ա. Սպենդիարյանի անվան օպերայի եւ բալետի ազգային ակադեմիական թատրոնը դարձել է Opera Europa միջազգային հեղինակավոր կազմակերպության անդամ: Opera Europa-ը եվրոպական օպերային թատրոնների եւ փառատոների խոշորագույն մասնագիտական ցանցերից է, որը միավորում է ոլորտի առաջատար հաստատությունները՝ ձեռավորելով օպերային արվեստի զարգացման օրակարգը Եվրոպայում եւ դրա սահմաններից դուրս: «Մեծ ուրախությամբ հայտարարում ենք մեր ցան-

ցին նոր անդամի՝ Հայաստանի օպերայի եւ բալետի ազգային ակադեմիական թատրոնի միանալու մասին: Opera Europa-ն ողջունում է հազարամյակների պատմություն ունեցող, հարուստ մշակույթով եւ երաժշտական խոր ավանդույթներով երկրին: Երեւանի սրտում հպարտորեն կանգնած այս շքեղ թատրոնը գտնվում է զարգացման նոր, կենսունակ փուլում՝ առաջ մղելով գեղարվեստական բարձր որակի իր առաքելությունը: Թե՛ Տիգրանյանի հուզիչ մեղեդիներով, թե՛ Խաչատրյանի բալետ-

ներով Հայաստանի մշակույթը հպարտությամբ հնչում է ողջ աշխարհում: Անհամբերությամբ սպասում ենք նոր համագործակցության արդյունքներին»,-նշված է կազմակերպության պաշտոնական հաղորդագրության մեջ: Opera Europa-ին անդամակցությունը նոր հնարավորություններ է բացում միջազգային համագործակցության ընդլայնման, փորձի փոխանակման եւ հայկական օպերային արվեստը համաշխարհային հարթակներում առավել տեսանելի դարձնելու տեսանկյունից:

● Ա. Սպենդիարյանի անվան օպերայի եւ բալետի ազգային ակադեմիական թատրոնում ապրիլի 3-ին կկայանա «Գայանե» բալետը:



ԿԱՐԳ

ՀԱՐՑ. Ուզում եմ ծառայող եղբայրս ներկա լինի հարսանիքիս: Ո՞ւմ դեմ է դիմում: Իրինա Մուրադյան, 27 տարեկան

ՊԱՏԱՍԽԱՆ.

Հարկ է արձանագրել, որ յուրաքանչյուր զինծառայող իրավունք ունի ներկա գտնվելու իր ընտանիքի անդամների հետ կապված այնպիսի կարևոր իրադարձություններին, ինչպիսին է, օրինակ, հարսանիքը: Անհրաժեշտ է հարսանիքից առնվազն մեկ ամիս առաջ ներկայանալ այն զինվորական կոմիսարիատ, որտեղից Ձեր եղբայրը զորակոչվել է Ջինված ուժեր: Ներկայանալով զինվորական կոմիսարիատ՝ Դուք պետք է ներկայացնեք դիմում եւ դիմումին կից՝ անհրաժեշտ այն փաստաթղթերը, որոնք հավաստում են, որ զինծառայողը համարվում է Ձեր ընտանիքի անդամը, եւ Դուք ամուսնանում եք կոնկրետ ամսաթվի: Մասնավորապես, դիմումին կից պետք է ներկայացնել Ձեր եւ Ձեր եղբոր ծննդյան վկայականները եւ դրանց պատճենները, որոնցով կհաստատվի, որ ունեք միեւնույն ծնողները, այսինքն՝ հանդիսանում եք եղբայրներ: Եթե արդեն իսկ ընտրել եք այն եկեղեցին, որտեղ պետք է պատկարովեք, ապա պետք է նաեւ ունենաք պատկարության օրվա եւ ժամի ամրագրման վերաբերյալ փաստաթուղթ՝ տրված եկեղեցու կողմից, որը եւս պետք է ներկայացնեք զինկոմիսարիատ: Բացի այդ, եթե արդեն իսկ դիմել եք քաղաքացիական կացության ակտերի գրանցման մասրմին (ԶԱԳՍ)՝ ամուսնության գրանցման օր նշանակելու նպատակով, ապա նաեւ անհրաժեշտ է ներկայացնել նաեւ այդ դիմումի պատճեն, որով նախատեսվել է Ձեր ամուսնությունը գրանցել ինչ-որ կոնկրետ ամսաթվին: Բացի այդ, պետք է հայտարարություն վերցնեք Ձեր առնվազն երեք հարեաններից, որոնք տեղյակ են եւ կարող են հաստատել, որ կոնկրետ ամսաթվի տեղի է ունենալու Ձեր հարսանեկան արարողությունը: Հայտարարությունը հարեանների կողմից ստորագրելուց հետո այն հարեանների անձնագրերի պատճենների հետ միասին պետք է ներկայացնեք համատիրություն՝ հարեանների ստորագրությունները հաստատելու համար, իսկ եթե չունեք Ձեր հասցեն սպասարկող համատիրություն (օրինակ՝ սեփական տուն է), ապա հարեանների հայտարարությունը՝ նրանց անձնագրերի պատճենների հետ միասին, պետք է ներկայացնեք վարչական շրջանի կամ համայնքի ղեկավարներին՝ խնդրելով հաստատել դրանք: Ընդ որում, անհրաժեշտ է հարեանների հայտարարությունը ձեւակերպել երկու օրինակից, որոնցից մեկը պետք է մնա համատիրությունում կամ վարչական շրջանի եւ համայնքի ղեկավարի մոտ, իսկ մյուս օրինակը պետք է դիմումին կից ներկայացնեք զինկոմիսարիատ:

ՀՀ զինված ուժեր

«ԺՈՂՈՎՈՒՐԳ».

Դիմումն ու անհրաժեշտ փաստաթղթերը զինկոմիսարիատ ներկայացնելուց հետո վերջինս համապատասխան հաղորդագրություն կուղարկի այն զորամաս, որտեղ ծառայում է Ձեր եղբայրը, որից հետո Ձեր հարսանեկան արարողության ամսաթվին կտրամադրեն լրացուցիչ արձակուրդ՝ 3-5 օր ժամկետով: Ընդ որում, զինծառայողին արձակուրդը կտրամադրեն Ձեր հասանիքին նախորդող օրը:

ՀԱՍԱՐԱԿՈՒԹՅՈՒՆ

ՀԱՐՑ. Գորոցի առակներն անընդհան փնտում է, խանգարում դասադրոցներ. ո՞ւմ կարող է դիմել ուսուցիչը, եւ ի՞նչ իրավունքներ նա ունի: Հայկանուշ Սեդրակյան, 56 տարեկան

ՊԱՏԱՍԽԱՆ.

Դպրոցներում երեխաների կարգապահությունն ապահովվում է օրենքով, ուսումնական հաստատության կանոնադրությամբ եւ ներքին կարգապահական կանոններով սահմանված կարգով: Յուրաքանչյուր դպրոց ունի իր ներքին կարգապահական կանոնները, որոնք չկատարելու կամ ոչ պատշաճ կատարելու դեպքերում դպրոցի տնօրինությունը միջին եւ ավագ դպրոցների սովորողների նկատմամբ կարող է կիրառել բացառապես հետևյալ կարգապահական տույժերը.

1) Նկատողություն.

2) Խիստ նկատողություն:

Վերոնշյալ կարգապահական տույժը մեկ ուսումնական տարվա ընթացքում նույն սովորողի նկատմամբ կրկնակի կիրառվելու դեպքում ուսումնական հաստատությունը կարող է՝

1) առաջարկել ծնողին սովորողին տեղափոխել այլ ուսումնական հաստատություն.

2) դիմել սոցիալական աջակցության բնագավառի լիազոր մարմնին՝ երեխային սոցիալական աջակցություն ցուցաբերելու առաջարկով:

Եթե աշակերտը վիճում է այլ աշակերտների հետ, վիրավորում է ուսուցչին կամ մշտապես խանգարում դասադրոցները, ապա ուսուցիչը պետք է աշակերտին ներկայացնի տնօրենին՝ ներկայացնելով զեկուցագիր կատարված միջադեպի մասին եւ խնդրելով աշակերտի նկատմամբ կիրառել կարգապահական տույժ՝ կատարված իրավախախտմանը համապատասխան: Սովորողի նկատմամբ կարգապահական տույժ նշանակելու օրվանից հետո՝ մեկ տարվա ընթացքում, կարգապահական տույժը կարող է հանվել, եթե սովորողը կարգապահական նոր խախտում թույլ չի տվել եւ դրսեւորել է իրեն որպես բարեխիղճ, օրինակելի, կարգապահ սովորող: Ուսուցիչը կամ որեւէ այլ անձ իրավասու չէ դիմել ֆիզիկական կամ հոգեբանական բռնության՝ աշակերտի կարգապահությունը բարձրացնելու նպատակով:

ԿՂՄՍ

«ԺՈՂՈՎՈՒՐԳ».

ԼՈՒՐ ԿԱԴՐ

Լուսանկարը՝ shamshyan.com-ի



Ավտոմոբիլ էրեւանում. «Nissan»-ը մասամբ հայտնվել է «Opel»-ի վրա:

ԲԱԺՆՈՐԱԿՐՈՒԹՅՈՒՆ

Մեր թերթը Բաժանորդագրվելու համար կարող եք դիմել



«Հայկոստ» ՊՓԲԸ հեռ. 51-45-46, 51-45-47

«Բլից-Մեդիա» ՍՊԸ հեռ. 52-53-01

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Blank form for subscription details including fields for name, address, and phone number.

ԵՂԱՆԱԿԻ ՏԵՍՈՒԹՅՈՒՆ



Table with weather forecasts for regions like Yerevan, Gyumri, and others, including temperature ranges and moon phases.

Table with weather forecasts for regions like Vanadzor, Yeghvard, and others, including temperature ranges and moon phases.

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ Հասցեն՝ ք. Երեւան, Արշակունյաց 22՝/3, հեռ՝ 010 54-64-23 Պետական գրանցման վկայականի համարը՝ 03U089086 տրված է 24.11.2010 Ստորագրված է տպագրության 31.03.2026 Տպաքանակ՝ 3968

Գլխավոր խմբագիր՝ ԶԵՆՈՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում համապատասխան հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: